

Informaziun dai stüdafüch: ai lascia alsavèi che en jöbia, ai 13 de otober, nanter les 10:00 y les 11:00 jará la sirena deplö iadi. Al se trata de na proa de proteziun zivila.


Curs de formaziun sura la fede « La löm dla vita » cun Padre Giuseppe a La Ila dal vëndres ala sabeda (21 – 22 de otober). Info y iscriziuns pro Ingrid al nr. 331/8565697.

Curs por geniturs che á mituns da 0 a 18 agn, ai 18 – 21 - 28 de otober danmisdé tla Cassa Raiffeisen a La Ila cun l'referent Roland Feichter. Info y iscriziuns al nr. 3383078479.

Referat: «Educare oggi al tempo di internet» cun Giuseppe Maiolo en mertesc, ai 11 de otober, dales 19:30 tl salf di stüdafüch de S.Martin de Tor. Düc, geniturs, insegnanc, mituns/jogn é dër bel inviá.

I sac dla Caritas ciafèise indò te calonia o tla Ciamena dal'Ega Santa. Ai mëss gní da jö tl Ciamp Sportif a La Ila dal vëndres 04 de novèmber dales 15:00 cina la sabeda ai 05 de novèmber dales 10:00.

Curs de ingleje: l'KVV de Badia organisèia danü cursc de ingleje «Elementary» y «Pre-Intermediate» dai 25 de otober inant. Informaziuns pro Cristina al nr. 333/1591599.



Plata dla Ploania Badia

San Iaco - San Linert


Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz



Ann C 09.10. – 16.10.2016 XXVIII^a Domènia dl Ann n. 46

Man muß wenigstens so viel Zeit
aufwenden,
Gott für seine Wohltaten zu danken,
als man gebraucht hat,
ihn darum zu bitten.

(Vinzenz von Paul)



Uno di loro, vedendosi
guarito, tornò indietro,
lodando Dio a gran voce.

Lc 17, 15

Vangele dla proscima domènia - XXIX^a dl ann „C“

Luca 18,1-8

Te chël tēmp ti á Gejú dit ai discepui, tres na parabola, che ai dess perié demeztru, zēnza lascé do: Te na cité viöl n iudicadú che ne temò nia Idí y che n'á compasciun cun degügn. Tla medema cité viöl ince na vèdua che gnò tres indò da d'èi y dijò: Fame avarèi le dèrt contra mi nemì!

Dí alalungia nen n'á le iudicadú orü savèi nia. Mo spo s'ál dit a sé instès: Ince sc'i ne tēmi nia Idí y i n'á compasciun cun degügn, òi impò ti fá avarèi le dèrt a chēsta vèdua, ciodiche ara ne me lascia degöna tria. Zēnza vègnera ciamó ala fin y me dá tla müsa.

Y le Signur á ajunté: Aldide, co che le iudicadú iniüst dij. Ne dess nia Idí a sù prelitá, che ti scraia incuntra de y nót, ti fá avarèi le dèrt, impede i fá aspeté? I ves diji: Al ti fajará avarèi le dèrt atira. Mo le Fi dl Om, ciafaral mo canch'al vègn ciamó fede söla tera?

FUNZIUNS SACRES

09.10. 28^a DOMÈNIA dl Ann C

10.00 Mëssa por la Comunità

15.00 *Prozesciun cun Chël Bel Dî da La Crusc*

18.00 †to Lois Irsara da Reslada

†tes Agnes y Augusta Pescollderungg
por fam. Armin y Angelika Craffonara

11.10. Mertesc - S. Jan XXIII / Papa

19.30 Liturgia dla Parora

12.10. Mercui – *Mëssa cun i scolars*

07.30 †to Serafin Ploner - aniversar

†to siur Laurënz Irsara - aniversar

†to Emilio Valentini de Col d'Anví

13.10. Jöbia - *Mëssa cun i crejimá y crejimanc*

19.30 †ti Nazio y Giovanni Pizzinini – aniversar

†ti Franz y Emma Frenademetz - aniversar

†ta Rita Rungg – aniversar

†ta Rosa Crepaz – aniversar

†to Giovanni Irsara de Jan - aniversar

†ti Mario e Maria Pangiusco

14.10. Vëndres

07.30 †ti Paul y Mariangel Pitscheider – aniversar

per Arturo e Carla

por i soferënc

15.10. Sabeda – S.Tarejia d'Avila

16.00 Mëssa a Oies

16.10. 28^a DOMÈNIA dl Ann C - mët man l'Edema dla Fede

10.00 Mëssa por la Comunità

18.00 †ti Paul, Afra y Rosina Declara

†ta Carmela Thaler

vis y †ti Alfarei de Parüs

Dala VITA dla CÛRA


Edema dla Fede – nosc Vësko vëgn tla Val Badia

Sciöche l'ann passé vëgn ince chësc ann nosc Vësko a tigní na sëra sura la fede, chësc iade a Al Plan de Mareo, la jöbia ai 20 d'otober dales 20:00. Insciö é nosc Vësko tres indô presënt te nosta valada, l'ann passé a Badia, de setëmbër é l sté a La Ila y n ater ann de ma sarál a San Martin por la Crejima.

Orun tó la ocasiun por s'incunté y ince por ti afidé nösç fistidi y se lascé istruí sön nosta fede y le dagní te nosta diozeja.

Siur Degan

En domènia, ai 16 de otober, tolunse düc pert ala gran Mëssa dla Comunità sciöche scomenciamënt dl' "Edema dla Fede".



En sabeda, ai 08 de otober se á uní tl Sacramënt dl **MATRIMONE** Sara Pizzinini de Craffonara cun Armin Moling da S.Ciascian. La Comunità de Badia ti aoda tröpa ligrëza y benedisciun de Dî sön so tru deboriada.

Conzert: le "Pinzimonio Vocale" portará dant en vëndres, ai 14 de otober, dales 20:00 te dljia da S.Linert n conzert de Musiga Sacrala de C.Monteverdi cun l'orghelist Davide Pozzi. Düc é dër bel inviá.

Leturs é indô peria de gní te sacrestia a se tó la plata per les letöres di proscimi mëisc.

Oferta: dër bel giulan dl contribut de 260 € che vá por l'local di Jogn dla Diozeja a Balsan.



En sabeda, ai 15.10.2016 complësc **Paola Frena Pitscheider** da Pedraces la bela eté de **96** agn. L'Senioreclub y düta la Comunità ti aoda düt l'bun, sanité y benedisciun de Dî.